



Inatsisartuni ilaasortaq Justus Hansen, Demokraatit
/Maani

**Qulimiguulinnik timmisartuussisarneq pillugu § 37 naapertorlugu apeqquteqaat
nr. 2017-257-imut akissut**

02-01-2018
Sags nr.: 2017 - 26879
Dok. nr. 25853376

Asasara Justus Hansen

Inatsisartut Suleriaasianni § 37 naapertorlugu qulimiguulinnik timmisartuussisarneq
pillugu Naalakkersuisunut apeqquteqarputit. Apeqquteqaatit uannut akisassanngorlugu
innersuunneqarpoq. Apeqqutinut akissuteqarnissamut Air Greenland-imiit
tapiliussassaaniq pissarsiniartoqarnikuvoq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1.

**Naalakkersuisunut allattoqquneqarput sumiiffiit malittarisassanit nutaanit
kalluarneqartussat, sila taartuinnaatillugu timmisartoqqusiunnaarnerup
kinguneranik. Allattorsimaffimmi ilanngunneqassapput malittarisassat nutaat
innuttaasunut kingunissai.**

Akissut:

Aallaqqaammut § 37 naapertorlugu apeqqut nr. 2017-250-imut aamma § 37
naapertorlugu apeqqut 2017-255-imut akissuteqaatikka innersuussutigissavakka.

Akissuteqaatinni taakkunani innuttaasunut kingunerisassat allattorneqarput.
Air Greenlandimut immikkut ittumik akuersissutip nutarternera Kalaallit Nunaannut
tamarmiusumut atuuttuuvog, naak aallaqqaammut Qaanaami, Upernavimmi
Uummannamilu angalanissanut pilersaarutit eqqorneqarnerpaagaluartut. Tamatumanili
angalasussat ikittuinnaat piffissami sivikitsuinnarmi eqqorneqassapput, tamannalu
aamma siusinnerusukkut § 37 naapertorlugu apeqquteqaatigineqartunut
akissuteqaatigisanni allassimavoq.

Apeqqut 2.

**Imatut pisoqassanerluni sumiiffiit ilaat piffissami sivikinnerusumi
sivisunerusumiluunniit allaat timmisartorfiusinnaajunnaassallutik aamma
tamanna assersuutigalugu qimarngussisarnernut qanoq kinguneqassava?**

Akissut:

Air Greenland ilisimatitsivoq, Lux-imut killiliussat tunngaviusumik timmisartuussinernut
tamanut atuutsinneqartut. Piffissamut siumungaaq angalanissanik pilersaarusionermermi
sumiiffinni pineqartuni tamarmik timmisartuussivigineqarsinnaasussaapput.

Aammattaaq Air Greenland ilisimatitsivoq, pingaartumik napparsimasunik
angallassinerni sila timmisartuussinissamut annikinnerpaaffiliussat inorlugit itsillugu,
timmisartuussinissamut akuersissuteqartarnermut suleriaatsinik immikkut ittunik

atuutsitsisoqartoq. Taamaattumik pissutsit aalajangersimasut pilotillu tamatumunnga naliliisarnerat apeqqutaalluinnartarput. Air Greenland ilisimatitsivoq, ingerlatseqatigiiffiup sukkulluunniit napparsimasunik timmisartuussisinnaanerit ilaasunik timmisartuussisarnermut nalinginnaasumut sanilliullugit salliutittarai.

Apeqqu 3.

Naalackersuisut malittarisassat nutaaq kingunerinik millisaasinnaasunik suliniuteqarniarnerlutik assersuutigalugu sumiiffinni pineqartuni miffartinni qullilersuillutik?

Akissut:

§ 37 naapertorlugu apeqqummut nr. 2017-250-imut akissut innersuussutigineqarpoq. Tamatuma saniatigut ilassutigineqarsinnaavoq, mittarfiup qullii Bell 212-ip sullissineranut sunniuteqartussaangitsut, sullissineranut immikkut ittumik akuersissut aamma mittarfiit akornanni timmisartuussineranut atuummat. Air Greenland aamma Angallannermut, Sanaartornermut Ineqarnermullu Aqutsisoqarfik ilisimatitsippat, ajornartorsiut tamanna qulimiguulinnut mittarfinnut sunniuteqassanngitsaq.

Apeqqu 4.

Niuerfinni helikoptereqarnerluni taartuinnarsuarmi timmisinnaasunik aamma taamaattoqarsimappat Naalackersuisut piumasarissamaarnerlugu helikopterit taamaattut nunap immikkoortuini kiffartuussineranut isumaqatigiissuteqarfiusuni atorneqalissasut tulliani isumaqatigiissutinut suliariumannittussarsiuussisoqalerpat?

Akissut:

Air Greenland ilisimatitsivoq, isigisat atorlugit timmisartuussineranut maleruagassat (VFR) aamma atorlugit timmisartuussineranut maleruagassat (IFR) immikkoortinneqartut. VFR atorlugu timmisartuussinermit inuttat timmisartuussineq tamakkerlugu nunamik isigisaqarsinnaasussaapput, tassanilu mittarfinni atorlugit atorlugit minnissamut atorlugit immikkut ittunik peqarnissaq pisariaqanngilaq. IFR atorlugu timmisartuussinermit inuttat aallarnerminni minnerminnilu nuna ersarlukkaluamik isigisinnaasussaavaat. Tamanna pissappat mittarfinni atorlugit atorlugit minnissamut atortoqassaaq. Air Greenlandimi Bell 212-it VFR atorlugu timmisartuussisarput.

Qulimiguuleqarpoq taarlunnartumi timmisartuussinissamut akuerisaasunik, taakkuli IFR-inik atortoqartariaqarput – tamatumanilu mittarfinni atorlugit assinginik peqarnissaq piumasarineqarpoq, tamannalu pissappat aningaasaliisoqartariaqarpoq.

Naalackersuisut ineriartorneq isumaliuutillu malinnaaffigaat. Tulliani isumaqatigiissutit neqerooruteqarfigitinneqarpata, piffissami uani misilittakkat, aningaasaliissutit Inatsisartut akuersissutigisimasaasa iluaniittut, Naalackersuisut ilanngunniarpaat.

Apeqqu 5.

Naalackersuisut suliamut soqutiginarsinnaasunik allanik oqaatigisaqarsinnaanerlutik?

Akissut:

Naalackersuisut innuttaasut isumannaannerpaamik angalanissaat pingaartippaat aammalu angalatitseqatigiiffiit ataavartumik attaveqarfigineqartarput innuttaasut

kiffartuunneqarnerat pitsaanerpaamiinnissaat anguniarlugu. Isumannaallisaanermullu tunngasunik Air Greenland Angallannermut, Sanaartornermut Ineqarnermullu Aqutsisoqarfik-llu attaveqatigiilereemata tamatuma Kalaallit Nunaanut pitsaasumik kinguneqartinneqarnissaa naatsorsuutigaara.

Neriuppunga qulaani allaqqasuni apeqqutitit akineqartut.

Inussiarnersumik inuulluaqqusillunga

Erik Jensen